



欽定皇輿西域圖志

ル 5
104
8



欽定皇輿西域圖志卷之八目錄

疆域一 安西南路

嘉峪關

安西州屬

安西州治

得勝墩

小灣堡

雙塔堡

布朗吉



凡 5
104
8

欽定皇輿西域圖志 卷八 目錄

柳溝堡

馬蓮井

橋灣堡

新瓜州

古瓜州

百齊堡

踏實堡

苦峪

石包城

石包城圖志卷之八目錄

蘆草溝

玉門縣治

高見灘

駙馬城

惠回堡

靖逆城

塔兒灣堡

敦煌縣治

甜水井

次定皇朝圖志

卷八

目錄

黃塾堡

青塾峽

沙棗墩

黨城

呼羅蘇台

古玉門關

古陽關

白龍堆

流沙

色爾騰海

噶斯

欽定皇輿西域圖志卷之八

疆域

臣等謹按古者度地分野。辨服區州。禹跡成經。職方命氏。申郊圻而固封守。列藩鎮以周天下。莫不賅通八埏。條貫九域。此地理郡國之志所由作也。若夫大荒以外。提封不及。號稱四塞。而西境尤廣。夏書卽敘之義。僅紀流沙。王制狄韞之通。未區方域。三代以降。紀載日詳。班范二史。舊稱該洽。亦不過臚列國之名稱。準道里之遠。

所錄支
有拘那

近其於都城亭堡之殊形。原隰墟沙之異致。罕得而詳焉。唐志西域。兼採釋氏所述。稱名頗異。於古列爲州府。僅曰羈縻。錯壤之疆域不分。領州之名號或缺。揆厥所由。豈非存駕馭之名。鮮開闢之實。有都護校尉之置。而不能革單于之頭銜。有安西北庭之隸。而不能登農部之版籍。是以方隅猶具。圭臬難徵也歟。我朝統壹函夏。式廓丕基。茲復會逢

盛際。收準夷之疆索。輯回部之版章。其人民足以守耕牧之業。其土宜足以昭貢賦之經。爰設郡縣。建學校。與內地赤縣神州相表裏。固已遠軼漢唐而上矣。今試覽其崖畧。玉關東峙。洱海西環。廬帳區分。城垣保界。莫不仰流鱗集。繩貫絲聯。以成大一統之盛。於是區列部以居方。辨廣輪而知數。首紀安西南北路。次紀天山南北路。表百餘年

謨烈之長。著二萬里

聲靈之遠。其歷代以來。沿革故實。史傳足徵者。亦隨

地引證使首尾貫穿。用資考鏡。夫不履虞淵之濱。不知日月之所居。不登崑崙之頂。不悟天地之無窮。臣等躬逢

郅治。記載

鴻圖。括兩戒於階庭。鞏九州如戶闥。是誠伊古以來郡國地理諸書所未臻之極軌也。志疆域第五。

欽定皇輿西域圖志卷之八

疆域一

安西南路

嘉峪關

嘉峪關為西域東陲。在肅州西七十里。嘉峪山西麓。西距玉門縣一百八十里。距安西州六百五里。其地屬漢酒泉郡之祿福縣。後漢改福祿縣。晉魏周因之。隨大業初。改屬張掖郡。義寧初。改酒泉縣。唐武德二年。屬肅州。大曆初。陷吐蕃。

宋入西夏。元屬肅州路。明屬肅州衛。洪武五年。馮勝下河西。置嘉峪關以限中外。為西域貢道所從入。嘉靖二年。閉關自守。

本朝初屬肅州衛。雍正二年。裁衛屬甘州府。七年。改屬肅州。關城周二百二十二丈。西四十里。曰雙井。又西接安西州玉門縣界。

明史地理志。肅州衛西有嘉峪山。其西麓即嘉峪關也。宏治七年。扁關曰鎮西。西域傳。太宗置哈密。沙州。赤斤。罕東四衛於嘉峪關外。以屏蔽

西陲

按漢列四郡。唐據瓜沙。古稱西域門戶。以玉門陽關為扼要。明初嘉峪關之設。是曰重門。季世因循。諸番內徙。但以嘉峪為中外巨防。聲教所及。不踰閨闕。我

朝初五衛之立。聲援聯絡。長策遠馭。西居流沙。皇上德威遐暢。底定西陲。葱嶺以西。儼同內地。惟是列聖經營之區。撫綏駕御。升廳衛為州縣。適當大武告成之後。未可以畧而弗書。爰追舊邊之屏翰。

拓全盛之山川。仍以嘉峪關爲首。

安西州屬。舊爲靖逆。赤金。柳溝。安西。沙州。五衛地。設安西鎮。乾隆二十四年。西域平。以其地置安西府。統縣三。淵泉。墩煌。玉門。三十八年。裁府。以淵泉縣地。改安西州。統縣二。墩煌。玉門。州境東接肅州界。北接哈密界。西至流沙。南至南山。漢書地理志酒泉郡。武帝太初元年開。縣九。祿福。表。是。樂。涪。天。隄。玉。門。會。水。池。頭。綏。彌。乾。齊。敦煌郡。武帝後元年分酒泉置。縣六。敦煌。冥安。效。

穀。淵泉。廣至。龍勒。

後漢書郡國志酒泉郡。武帝置。雒陽西四千七百里。九城。福祿。表氏。樂涪。玉門。會水。沙頭。安彌。乾齊。延壽。敦煌郡。武帝置。雒陽西五千里。六城。敦煌。冥安。效。穀。拼泉。廣至。龍勒。

晉書地理志元康五年。惠帝分敦煌郡之宜禾。伊吾。冥安。深泉。廣至等五縣。分酒泉郡之沙頭。縣。又別立會稽。新鄉。凡八縣。爲晉昌郡。張駿分酒泉爲涼州。敦煌。晉昌爲沙州。張祚又以敦煌。

郡為商州

隋書地理志。敦煌郡。舊置瓜州。統縣三。敦煌。常樂。玉門。

唐書地理志。沙州。敦煌郡。下都督府。本瓜州。武德五年。曰西沙州。貞觀七年。曰沙州。縣二。敦煌。壽昌。瓜州。晉昌郡。下都督府。武德五年。析沙州之常樂置縣二。晉昌。常樂。肅州。酒泉郡。下。武德二年。析甘州之福祿。瓜州之玉門置縣三。酒泉。福祿。玉門。

五代史四裔附錄。唐文宗時。嘗遣使者至西域。見甘涼瓜沙等州。城邑如故。而陷虜之人。語言稍變。衣服猶不改。至五代時。吐蕃已微弱。回鶻党項。分侵其地。惟甘涼瓜沙四州。常自通中國。涼瓜沙三州將吏。猶稱唐官。數來請命。周世宗時。涼州遂絕於中國。獨瓜沙二州。終五代常來。元史地理志。宋景祐初。西夏陷瓜沙肅三州。盡得河西故地。金因之。元太祖二十二年。破其城。以隸八都大王。至元十四年。復立州。十七年升。

爲沙州路總管府。瓜州隸焉。

按漢晉酒泉郡所屬之福祿。表是樂涇三縣。唐肅州酒泉郡所屬之福祿舊地。在今俱屬肅州。是今安西州本境。及所屬敦煌。玉門二縣境。以漢晉敦煌一郡之全。而兼酒泉郡之半。以唐沙瓜兩州之全。而兼肅州之半。北魏分置會稽。玉門。常樂三郡。隋并爲敦煌一郡。實與今之州屬全境相準也。唐至德後。陷吐蕃。大中五年。沙州刺史張義潮以其地來歸。

唐末復陷。五代因之。宋入西夏。元屬肅州沙州路。明爲赤斤蒙古沙州二衛地。我

朝初屬邊外。雍正三年。始設安西鎮。領靖逆。赤金。柳溝。安西。沙州五衛。近以武功耆定。

詔升府縣。嗣因移設鎮西府于巴爾庫勒。安西復改府爲州。關外雄封。茲其首著矣。

安西州治

安西州治。在嘉峪關西六百五里。玉門縣治西四百二十五里。敦煌縣治東二百七十里。乾隆

二十四年。以安西柳溝二衛地。改置淵泉縣。與安西府同城。二十七年。移安西府於敦煌縣。遂爲淵泉縣治。三十七年。復移安西府來治。三十八年。改府爲直隸安西州。淵泉縣裁。以縣境爲州境。東至三道溝七十里。西至蘆草溝九十里。南至南山三百里。北至半池泉八十里。距京師六千三百十里。城周四里二分。東西南北凡四門。城內有

萬壽宮。

關帝廟。城隍廟。城外有風雲雷雨壇。社稷壇。先農壇。乾隆三十三年。移建新城於舊治南二里。城周三里三分。東南北三門。全境所轄。爲漢冥安。淵泉。廣至三縣地。

漢書地理志。敦煌郡淵泉縣。師古曰。闕駟云。地多泉水。故以爲名。

隋書地理志。敦煌郡。統縣常樂。後魏置常樂郡。後周併涼興。大至。冥安。閭泉。合爲涼興縣。開皇初。郡廢。縣改爲常樂。

唐書地理志瓜州晉昌郡。縣二。晉昌。武德四年更名常樂。武德五年別置。

按淵泉縣。漢時舊名。後漢改拼泉。晉曰深泉。並屬敦煌郡。第考漢書敦煌郡。在酒泉郡西。所領六縣。淵泉最東。西曰冥安。又西北曰廣至。又西曰敦煌。又西南曰効穀。又西曰龍勒。今安西州屬之柳溝衛城。左右爲十道溝水。西南有黑水橋。亂泉子等處。當爲漢淵泉縣地。又今安西州城北有蘇賴。昌馬兩河。合流

西注。爲南籍端水。又西入於哈喇淖爾。南籍端水。卽冥水。當爲漢冥安縣地。漢廣至縣。爲唐常樂縣。東至瓜州一百五十里。今安西州治西北一百五十里。爲百齊堡。當爲漢廣至縣地。是今西安州本境。兼有漢時冥安。淵泉。廣至三縣地也。晉之宜禾。新鄉。伊吾。爲廣至分邑。境地毗連。是又兼有晉時廣至。宜禾。冥安。深泉。伊吾。新鄉六縣地。而隋之常樂縣。唐之常樂。晉昌二縣。皆與今安西州本境疆域

相準也。至於漢敦煌効穀龍勒。乃今之敦煌縣境。說見後。

得勝墩

得勝墩。在州治北五里。舊無水泉。乾隆二十二年。大兵討準噶爾。師出其地。湧甘泉數十處。土馬得濟。

勅建龍神廟於此。

封助順昭靈龍神。遣官告祭。每歲春秋致祀。

勅建助順昭靈龍神廟碑文。

國家德被遐方。威宣絕漠。不惟師武臣力。亦實有神靈之助。用能厚集士衆。克成大勛。惟嘉峪關本酒泉故郡。素稱天險。關門外爲戈壁地。沙磧彌望。澶漫逶迤。向因艱於水泉。行旅重困。朕蕩平西域。誅其一二苞蘖之不順命者。爰整六師。采入其阻。初慮士馬萬衆。綆汲或缺於供。及行其地而甘泉隨地湧出。滃滃然。汨汨然。淳泓滲漉。不特荷受之士。漱濯清流。而馬駝絡繹。赴飲不匱。按酒泉城下。舊有金泉。泉味如酒。漢氏遂以名郡。茲泉出自沙漠。瑞應尤異。守土之吏

金定皇朝西域圖志 卷八
以告。朕惟祭法德施於民則祀之。當疆事方殷。而泉流肆溢。天人協應。靈貺聿臻。其事非偶。爰封神爲助。順昭靈龍神。命守臣經營高敞。建立神廟。春秋祀事。惟謹。繡棟雲楣。崇巖巨鎮。屹峙關外。廟旣成。當建碑紀述神之功烈。守臣鑲石以請。稽諸古人。君爲政太平。則醴泉湧。朕嗣守鴻業。圖大思艱。命將出師。龔行天討。掃百年逋誅之寇。用以纘承

先緒。式廓丕基。計自今。邊圉靜謐。屯牧安恬。其所以荷天庥而迓神祐者。萬萬禩靡有紀極。爰系以銘。銘曰。嘉峪之山。巖關峩峩。六師于征。後舞前歌。宛宛流沙。迢迢遠道。天戈所臨。地不受寶。連巖滋液。並醴疏甘。光澄水鏡。潔比秋潭。汲之日新。挹之無竭。士飽馬騰。霜清月澈。廼營高敞。廼建豐標。春秋載薦。丹荔黃蕉。斟酌靈泉。惟神之庇。洗兵萬載。錫我繁祉。

勅建助順昭靈龍神廟歲祭文。

惟神德溥澤民。恩施育物。拱巖關而作鎮。氣感風雲。臨瀚海以垂波。功先潤澤。惟酒泉之故地。實戈壁之荒陲。沙礫彌途。向乏靈源之涌。輪蹄遄邁。載深渴飲。

之思。朕命將于征。指平沙而迅發。全師所過。恰膏液之滂滋。萬馬騰驤。快適奔泉之性。千軍挹注。咸歌洞酌之甘。儼賚賜之壺漿。飲和食德。等驅馳於衽席。養欲給求。凡茲行李之往來。普頌淵澄之功烈。仰承

天祐。敬迓神庥。申命守臣。經營敞地。闕宮大啟。雕几恪陳。繡栱差峩。蒼蔚川原之氣。采椽巒嶸。繽紛藻苻之華。爰於靈廟之落成。更遣專官而將事。雲旂羽罕。覘秘殿之森蕤。桂酒椒漿。共明流而激灑。嗣此涵濡庶彙。覩清泚之常流。衍護深源。永濬發而不竭。尙祈昭

格。鑒此精禋。

小灣堡

小灣堡。在得勝墩東南七十五里。踰河而至。西距州治七十里。

雙塔堡

雙塔堡。在小灣堡東五十里。西距州治一百三十里。有城周一里有奇。雍正六年築。西南境有雙塔。西三十里地名渠口。

布朗吉

金定皇朝西域圖志 卷八
布朗吉在雙塔堡東四十里。西距安西州治一百六十里。地多檉柳。有泉水。東爲十道溝。西爲布朗吉河。一名窟窿河。舊有安西鎮城。後改柳溝衛治。今廢。

按漢淵泉縣。東與酒泉郡之池頭會水相接。地皆以水得名。今布朗吉城東有十道溝水。與闕駟所云地多泉水之說合。又考唐書地理志。晉昌縣東北有合河鎮。今蘇賴昌馬兩河合流。由靖逆衛北折而西。會十道溝水西

流經此。則所謂合河鎮者。當與今布朗吉之柳溝故城相近也。

柳溝堡

柳溝堡在布朗吉東七十里。西距州治二百三十里。十道溝水經流左右。

本朝康熙五十七年。初建柳溝所。築堡於此。雍正五年。陞衛。移治布朗吉。改舊所爲柳溝堡。是爲安西州東界。

馬蓮井

金定皇朝西域圖志 卷八
馬蓮井在州治西北三百二十里。自州治北行七十里爲白墩。又八十里爲紅柳園。又八十里爲大泉。又西北九十里至此。爲安西州最北境。接哈密界。

橋灣堡

橋灣堡在柳溝堡北四十里。西距州治二百七十里。有城。雍正十年築。南北二門。自堡西北行九十里爲東黃蘆岡。又九十里爲尖山子。又九十里爲茨窩泉。又九十里爲東長流水。又一百

里爲白芨芨灘。又一百里至馬蓮井。別自東長流水西北行五十里爲青山子。又七十里爲烏拉大泉。又北七十里爲蘆岡泉。爲安西州東北境。接哈密界。

按漢時廣至一縣。晉分四縣。曰廣至。曰宜禾。

曰新鄉。曰伊吾。今百齊堡卽廣至縣地。說見後

東接沙頭。西界敦煌。由是而南爲新鄉。卽今踏實

堡說見後北爲宜禾。爲伊吾。伊吾縣以伊吾盧故

地得名。附近敦煌北境。則宜禾一縣。當在今

安西州北境自得勝墩橋灣堡迤北一帶無疑。特其故城基趾不可考耳。一統志載宜禾故城在晉昌郡北界方位亦合。

新瓜州

新瓜州在安西州西南三十里。舊爲安西衛治地。雍正十三年土爾番爲準噶爾所擾。其酋額敏和卓率所部回民內附。於安西鎮西築五堡居之。頭堡在鎮西南二十五里。二堡在頭堡西南十里。三堡在二堡西北十里。四堡在三堡西

北四里。五堡在四堡東北十里。別於頭堡數里之內。築新瓜州城。

古瓜州

古瓜州在新瓜州西十五里。東距安西州治四十五里。有土城。

唐書吐蕃傳悉諾邏恭祿燭龍莽布支入陷瓜州。毀其城。

明史西域傳自赤斤蒙古西行二百里曰苦峪。自苦峪南折而西百九十里曰瓜州。

按左傳襄公十四年。范宣子將執戎子駒支。親數諸朝。曰昔秦人迫逐。乃祖吾離于瓜州。昭公九年。詹桓伯曰。允姓之姦。居于瓜州。漢書地理志。敦煌郡。敦煌縣。廣步候官。以爲古瓜州地。生美瓜。是春秋時之瓜州。爲漢敦煌縣地。與淵泉。冥安。廣至之地無涉。元和志沙州。漢敦煌郡。前涼張駿於此置沙州。後魏太武於郡置敦煌鎮。明帝廢鎮立瓜州。則已併漢淵泉。冥安。廣至縣地。統名瓜州矣。明帝尋

改義州。莊帝又改瓜州。大業三年。罷州爲敦煌郡。武德二年。復置瓜州。五年。改爲沙州。而析沙州之常樂。置晉昌。常樂二縣。爲瓜州。晉昌郡。於是瓜州之名。又專屬漢時冥安。淵泉。廣至三縣之地。而敦煌縣以西。反不及焉。今之新舊瓜州。在漢爲冥安縣境。後魏初唐。稱名可考。第按諸春秋時之瓜州。已非其舊。卽視武德析置之始。亦偏而不全。沿革所係。遺蹟粗存。新舊之名。存而不論可也。

百齊堡。

百齊堡。在新瓜州西北六十里。東距州治九十里。城周一里五分。雍正十二年築。為漢廣至縣地。西有舊百齊堡。

漢書地理志廣至縣。宜禾都尉治。昆侖障。莽曰廣桓。

後漢書西域傳延光二年。敦煌太守張璠上書。以酒泉屬國吏士二千餘人。集昆侖塞。擊呼衍王。唐章懷太子賢注云。廣至故城。在今瓜州常

樂縣東。

元和志常樂縣東至州一百十五里。本漢廣至縣地。

寰宇記廣至故城。在常樂縣西北。恒以大石棧之。稍開即有風暴至傷人。

按漢之廣至縣。在唐為常樂。據後漢書注廣至故城。在常樂東境。今百齊堡東至安西州治一百五十里。州治為唐瓜州晉昌郡治。即元和志所謂東至瓜州一百十五里者是也。

踏實堡

踏實堡在州治南九十里有城。周一里八分。門二。雍正五年築。南倚南山。東北有特布忒河。西一百里為樹溝。又西接敦煌縣界。

晉書地理志元康五年。惠帝分敦煌郡。別立會稽新鄉。

通典自瓜州南至新鄉鎮一百十里。

按晉書敦煌郡統縣。有新鄉。為廣至分邑。今踏實堡在州治南九十里。與通典之說相近。

當即古新鄉縣也。

苦峪

苦峪在踏實堡東五十里。西北距州治二百里。有土城。西南境平田千頃。東北二百里舊有河。通蘇賴。昌馬兩河交會處。今涸。

明史西域傳宣德十年。沙州衛都指揮僉事坤

濟勒舊作困。即來。今改正。為哈密所侵。走附塞下。邊臣請

移之苦峪。命治苦峪城。正統六年。城成。十三年。邊將護哈密使臣至苦峪。赤斤都指揮總伊加

勒舊作陸今改正總兒加等率眾圍其城。天順七年。哈密

衰微。迤北會寄寄肅蘭舊作蘭今改正。襲破其城。

王母率親屬部落走苦峪。成化二年。兵部言王

母避苦峪久。今賊已退。宜令還故土。從之。八年

土爾番舊作番今改正。襲破其城。執王母。十年都督

哈森舊作森今改正。退居苦峪。命權主國事。築苦峪

城。移哈密衛於其地。十八年。哈森襲哈密。破之。

遂還故土。孝宗七八年間。兵部侍郎張海修苦

峪城。發流寓番人及寄居赤斤者赴苦峪。及瓜

州。四十七年。占特木爾舊作兒今改正。帖木主哈密。善

巴舊作改。走苦峪。沙州衛赤斤蒙古

按赤斤蒙古會阿速之父塔爾尼居左帳。其

異母兄索哈舊作今改正。居右帳。彼此不相能。

阿速因報父怨而圍苦峪。則苦峪城應是當

時右帳所居之地。而成化間復加築之以移

建哈密者也。苦峪城一名上達爾圖。又靖逆

本名苦峪。亦名達爾圖。故此稱上達爾圖以

別之也。

石包城

石包城。在苦峪城西南山谷間。北距州治二百九十里。壘石爲城。勢極高峻。有藥泉。味醇如酒。相傳飲之愈疾。

按石包城。在今踏實堡南。以踏實堡爲新鄉縣地。則石包城。或屬新鄉故城也。

蘆草溝。

蘆草溝。在古瓜州西四十五里。東距州治九十里。與敦煌縣東境之甜水井接界。

以上屬安西州本境。

玉門縣治。

玉門縣治。在嘉峪關西一百八十里。西距州治四百二十五里。乾隆二十四年。以赤金靖逆二衛地改置。東至肅州界一百四十里。西至三道溝安西州本境一百三十里。南至雪山一百里。北至鹽池一百五十里。距京師六千一百九十里。城周二里二分。南北三門。康熙五十年。以舊城改築。城內有城隍廟。城南有風雲雷雨壇。全

境所轄。為漢玉門。天依會水池頭。安彌乾齊六縣地。

漢書地理志。酒泉郡玉門縣。師古曰。闕駟云。漢罷玉門關屯。徙其人於此。

隋書地理志。敦煌郡統縣玉門。後周為會稽縣。開皇中改為玉門。併得後魏玉門郡地。

唐書地理志。肅州酒泉郡玉門縣。貞觀元年省。後復置。開元中沒吐蕃。因其地置玉門軍。天寶十四載廢軍為縣。

明史西域傳。駙馬城西八十里。即赤斤蒙古。洪武十三年都督濮英西討。進至赤斤站。獲幽王

額林沁。舊作亦隣。今改正。永樂二年塔爾尼。舊作塔力尼。今改正。

來歸。設赤斤蒙古所。八年改衛。成化十九年隣番野訥克里。舊作也克。今改正。來侵。赤斤遂殘破。正

德八年土爾番據哈密。大掠赤斤。已番賊犯肅州。赤斤當其衝。益遭蹂躪。部眾不能自存。內徙肅州之南山。其城遂空。

按玉門縣為漢時舊名。屬酒泉郡。三國晉因

之。又分置會稽縣。屬晉昌郡。前涼置寧涼郡。西涼置會稽郡。北魏屬會稽郡。周廢郡。併為會稽縣。隋開皇中。改玉門縣屬敦煌郡。唐屬肅州酒泉郡。開元中沒吐蕃。置玉門軍。天寶十四載廢。五代屬吐蕃。宋入西夏。元屬肅州路。明屬赤斤蒙古衛。入

本朝為赤金衛。改設守禦千戶所。尋復陞衛。今改縣。此古今沿革之大畧也。今以史傳証之。漢酒泉郡居敦煌郡東。所領九縣。樂涇最東。次

福祿。次表氏。次天依。在玉門之東。會水池頭。在玉門之西。與敦煌郡東之淵泉縣接界。綏彌。乾齊。在會水西南。後漢無天依。有延壽。知延壽即天依地也。今玉門縣即赤金衛地。在嘉峪關西一百八十里。以博物記延壽縣南有石漆。元和志石脂水在玉門縣東南一百八十里之文証之。則漢之天依。延壽。在今玉門縣東南境也。池頭。會水。淵泉。皆以水得名。闕駟云眾水所會。故曰會水。地多流水。故曰

淵泉。今蘇賴。昌馬兩河。合流分注於靖逆故城之東西。又西爲十道溝水。至於柳溝源泉。競發。以東西方位考之。則靖逆故城。當屬漢之池頭。十道溝地。當屬漢之會水。柳溝故城。當屬漢之淵泉。漢會水縣注。北部都尉。治偃水障。東部都尉。治東部障。乾齊縣注。西部都尉。治西部障。而乾齊與安彌地接。會水在東北。乾齊安彌在西南。則乾齊安彌故地。當在今十道溝南也。據此則今玉門縣全境。實兼

有漢時天依。玉門。會水。池頭。安彌。乾齊之地。

古惟福祿樂宮表氏。東屬肅州。與今縣境無涉。

晉時玉門。第仍漢舊。卽舊赤金衛地。隋玉門

高泉縣。西與常樂縣接。唐玉門縣。西與瓜州。晉昌

郡之晉昌縣接。隋之常樂。唐之晉昌。爲柳溝

安西二衛故地。隋唐玉門縣。與之接壤。是已

兼有舊赤金。靖逆兩衛地。與今玉門縣疆域。

大率相準也。

又按五代晉高居誨使于闐記。自肅州渡金

河西百里出天門關。又西百里出玉門關。卽故縣也。據此則玉門縣之東關亦稱玉門關。與敦煌縣西之古玉門關無涉。至玉門縣於漢屬酒泉。而明史稱漢敦煌郡地。晉屬晉昌郡。唐屬瓜州。元屬沙州者非是。

高見灘。

高見灘在玉門縣治西六十里。東北五十里有

古塔。

駙馬城。

駙馬城在玉門縣治東七十里。西十里爲火燒溝。又西爲八楞墩。

明史西域傳回回墓西四十里曰駙馬城。洪武十三年都督濮英西討。次白城。獲蒙古平章瑚

圖特穆爾。

舊作忽都帖木兒。今改正。

進至赤斤站。

按白城在赤斤站東。赤斤站卽今玉門縣。則白城故地當在玉門縣東。與駙馬城相近。

惠回堡。

惠回堡在駙馬城東二十里。西距玉門縣治九

十里。雍正五年築。東五十里至雙井。爲玉門縣東盡境。接肅州界。

〔明史西域傳〕自出嘉峪關西行至黑山兒。又七十里曰回回墓。

按今惠回堡。卽回回墓故地。而墓不可考矣。又今靖逆城南。亦有回回墓。

靖逆城

靖逆城。東南距玉門縣治一百二十里。城周二里。南北二門。

本朝康熙五十七年。置靖逆衛治於此。乾隆二十

四年。裁衛。改屬玉門縣。城南有仙姑廟。觀音寺。

城北有牛王廟。又北有沙崗。西有紅廟。又西至

三道溝。接安西州本境。西南三十里有龍王廟。

爲蘇賴。昌馬兩河合流處。

〔三國志〕魏初河右擾亂。敦煌功曹張恭。遣從弟華。攻沙頭縣。

〔十六國春秋〕段業天璽二年。酒泉太守王德叛。敗奔晉昌。沮渠蒙遜逐至沙頭。破之。

按靖逆城當屬漢沙頭縣地。肅州新志云在漢爲冥安縣。屬敦煌郡。又引漢書地理志。冥安縣有南籍端水。謂今之蘇賴河。介於柳溝。靖逆之間。據此斷爲冥安縣地。不知漢之置郡。東爲酒泉。西爲敦煌。今西安州本境之安西故衛。乃漢之冥安縣。三國。晉。魏。其名不易。至靖逆衛地。尙在其東。實漢池頭。乾齊。會水三縣地。而衛城所建。當在池頭。所屬之郡。爲本郡。酒泉而非敦煌。至隋始屬敦煌。而縣名玉門。

亦與冥安無涉。至漢志所云南籍端水。固卽東今昌馬。蘇賴合流西注之河。然考其源。出今玉門縣南之南山。經流五衛故地。會十道溝。黨河諸水。遠輸哈喇淖爾。三百餘里。漢志謂平出南羌中。西北入其澤者。乃舉其全體而言。不得但云介於柳溝。靖逆之間。而以此證靖逆之爲冥安也。

塔兒灣堡。

塔兒灣堡。在靖逆城東北二十里。東南距玉門

縣治一百四十里。

以上屬玉門縣。

敦煌縣治。

敦煌縣治。舊為沙州衛治。乾隆二十四年。西域平。以其地置敦煌縣。二十七年。移安西府來治。三十七年。復移府治于淵泉。三十八年。改府為直隸州。敦煌屬焉。治在嘉峪關西八百七十里。東至甜水井一百四十五里。西至古營盤二百九十五里。南至南山一百里。北至青墩峽一百

九十里。西北至哈喇淖爾二百八十里。縣治東距安西州治二百七十里。距京師六千五百八十里。城周三里三分。東西南三門。濠深七尺。雍正三年建。九年。於東南北三面加築外郭。周五里七分。東南北三面及西南面共四門。城內有萬壽宮。

關帝廟。城隍廟。城外有風雲雷雨壇。社稷壇。東有先農壇。西有龍王廟。初府城西踰黨河。有沙州故城。以黨水北衝。圯其東隅。始移建沙州城于

黨河之東。今為敦煌縣治。全境所轄。為漢敦煌。効穀。龍勒三縣地。

漢書地理志敦煌郡。敦煌。中部都尉治。効穀。師古曰。本漁澤障也。

隋書地理志敦煌郡。統縣敦煌。舊置敦煌郡。後周併効穀。壽昌二郡入焉。又併敦煌。鳴沙。平康。効穀。東鄉。龍勒六縣為鳴沙縣。開皇初。郡廢。大業置敦煌郡。改鳴沙為敦煌。

唐書地理志沙州敦煌郡。有縣三。曰龍勒。効穀。

懸泉。有豆盧軍。神龍元年置。縣二。敦煌。壽昌。武德二年。析敦煌置。永徽元年省。乾封二年復置。開元二十六年又省。後復置。

明史西域傳自瓜州而西。四百四十里。始達沙州。永樂二年。酋長坤濟勒曼集。舊作買住。今改正。率眾來歸。命置沙州衛。其部下齊納。舊作赤納。今改正。來附。

朝貢不絕。宣德十年。為哈密所侵。走附塞下。自是不復還沙州。但遙領其眾而已。正統十一年。收其全部入塞。居甘州。沙州遂空。為罕東酋巴。

特瑪戢結舊作班麻思所有。歷景泰。天順朝。朝貢

不廢。成化十五年。於沙洲故城置罕東左衛。正

德十一年。土爾番復據哈密。左衛不能自立。徙

肅州塞內。其部下仍居沙州。服屬土爾番。嘉靖

七年。率屬來歸。沙州遂為土爾番所有。沙州衛罕東左

衛傳合纂。按敦煌為漢時舊名。漢敦煌郡所領六縣。東

則淵泉。冥安。廣至。為今安西州地。西則劼穀。

西南則龍勒。皆與敦煌同郡而分縣。後漢因

之。今縣西境之黨河。有農田水利之益。當為

劼穀故縣。而龍勒故城。以古營盤一帶廢城

基址審之。亦約畧可考。是今之敦煌。兼有漢

時敦煌。劼穀。龍勒三縣地矣。晉隆安中。分置

陽關。昌蒲二縣。後魏分劼穀縣。置劼穀郡。分

龍勒縣。置壽昌縣。至後周改縣曰鳴沙。而敦

煌郡名。則古今不易。隋大業初。復縣名曰敦

煌。兼劼穀。龍勒二縣地。自唐武德以漢龍勒

故地。析置壽昌。於是敦煌僅兼劼穀之地。是

今敦煌縣境。實與隋之敦煌縣疆域相準。而於唐則兼有壽昌也。建中二年。陷吐蕃。大中年。沙州首領張義潮以州來歸。建歸德軍。五代時號歸義軍。宋入西夏。元為沙州路。明置沙州衛。改置罕東左衛。後廢。入

本朝為沙州衛。今改縣。此其沿革大畧之可見者。又明時安定衛。阿端衛。曲先衛。皆在今敦煌縣西南境外。

甜水井

崇實錄

甜水井。在敦煌縣治東一百四十五里。自縣城東行四十里為新店。又三十里為圪塔井。又東北四十里為空心塹。又東北三十五里至此。為青敦煌縣東境。與安西州本境西之蘆草溝接界。黃塹堡。

黃塹堡。在敦煌縣治西北四十里。有土城。周四里有奇。雍正五年築。自堡西北行三十里。踰河又十餘里至庫克砂石。

隋書地理志。後周併涼興。大至。冥安。淵泉。為涼

興縣。

按肅州舊志。涼興城在廢瓜州西一百七十里。今黃塹堡。東南距安西州之古瓜州一百七十里。與肅州舊志所載涼興城距廢瓜州里數相合。則涼興故城當在於是。

青塹峽。

互見山。

青塹峽。地以峽名。在黃塹堡西北一百五十里。西北山中。為塹煌縣北境。入峽口西北行經博羅特口。大泉。酤水。紅柳峽。哈什布拉克。柳樹泉。

五百三十五里至哈密。

沙棗墩。

沙棗墩。在敦煌縣治東北三十里。

黨城。

黨城。在敦煌縣治南一百六十里。黨河口。建置不知所始。城基尚存。又西十里有古城。又西一百二十五里有古營盤。亦稱古城。居高原之上。南臨高山。西有古邊牆。又南踰山嶺。有三舊城基。亦稱古營盤。

按漢書地理志載敦煌郡効穀縣。本漁澤障。孝武元封六年。濟南崔不意爲漁澤尉。教民力田。以勤効得穀。因以爲縣名。是効穀故縣當與黨河相近者。又稱龍勒縣爲都尉治。至唐爲壽昌縣。元和志稱壽昌縣東至州一百十里。本漢龍勒縣是也。一統志稱効穀龍勒故縣俱在沙州衛西。與漢唐諸史所載相合。今自敦煌縣西踰黨河。舊城基址不一而足。則効穀龍勒城郭遺址。疑於是乎在也。其謂

爲古營盤者。明初設安定。阿端曲先罕東赤斤沙州諸衛。皆以番族受邊臣羈絡。北拒蒙古。南捍諸番。後乃轉相侵掠。甚者邀劫朝使。屢勤征討。厥後土爾番據哈密。蒙古入青海。南北受制。沙州衛最西。則最先廢。諸部亦次第殘毀。而沙州遂爲土爾番所有。肅州兵事日亟。想見當時都督李文西征。巡撫許進會罕東兵促哈密。或卽舊城基址所在。以爲行師頓旅之處。覽其遺墟。可以見前代興衰之

迹矣。

呼羅蘇台。

呼羅蘇台。地有呼羅河。故名。東南距敦煌縣治一百里。地濱哈喇淖爾。

通志呼羅蘇台。其地濱哈喇池。蘇賴河所匯也。按蘇賴河會流哈喇淖爾。黨河南來入之。兩水殊源而合流西注。通志舊稱葫蘆斯太。卽呼魯蘇台字音之訛。爲蘇賴河所匯。知在黨河下流。匯入蘇賴河處也。又云濱臨哈喇池

者。此指呼魯蘇台之地而言。若呼魯河固入于哈喇淖爾者。豈止濱之而已。

古玉門關。

古玉門關。在呼魯蘇台西南。黨河之西。東距敦煌縣治一百五十里。漢武帝時置。關外有五峯。爲赴車師前庭及疏勒之道。所謂北道也。關今無存。

漢書西域傳東則接漢。阨以玉門。陽關。地理志龍勒縣。有玉門關。

〔元和志〕玉門故關在龍勒縣西北一百十八里。

〔唐書地理志〕壽昌西北有玉門關。

按漢龍勒縣有玉門關。氏置水。氏置水。卽今黨河。則黨河之在龍勒縣地。玉門關之近黨河可知也。肅州新志。玉門關外有三斷山。石極大。世謂之三隴山。今黨河西有三斷山。應卽三隴山。則黨河西之爲玉門關外。又可知也。又漢班超疏言不敢望到酒泉郡。但願生入玉門關。酒泉郡卽今玉門縣地。在黨河東

七百六十里。超當時自疏勒東歸。先由玉門而後至酒泉。語意亦合。五代高居誨使于闐記。肅州渡金河西百里出天門關。又西百里出玉門關。是卽玉門縣西關。距酒泉郡僅二百餘里。又土爾番有玉門口。或謂卽古玉門關。舊輿圖謂玉門關近伊犁。兩說遠近大殊。皆與古傳志方隅形勢不合。未足爲據也。

古陽關。

古陽關在玉門關南。紅山口西。東距敦煌縣治

一百三十里。漢武帝時置。為赴鄯善莎車之道。所謂南道也。後魏於此置陽關縣。周廢。

漢書地理志 敦煌郡有陽關。

晉書地理志 敦煌郡統陽關縣。

元和志 陽關在壽昌縣西六里。

晉高居誨使于闐記 西渡都鄉河至陽關。

御製陽關考

陽關之名自漢唐以來咸所稱引而遺踪湮廢道里莫徵比因西域並隸版章爰有纂輯圖志之役猷詢

所及或據肅州新志載烏魯木齊西境有地名陽巴爾噶遜以為陽關之舊者殊不知陽乃回語蓋謂新而巴爾噶遜則厄魯特語蓋謂城亦非謂關也况烏魯木齊地在天山之北揆其方位懸隔奚啻謬以千里計耶按漢書地理志敦煌郡龍勒縣有陽關玉門關後晉高居誨使于闐記西渡都鄉河至陽關考都鄉河即今黨河龍勒縣即沙州衛今為敦煌縣地黨河在縣西境而陽關玉門關均在黨河之西陽關西而偏南故以陽名詳覈形勢正應在今黨河西南與

紅山口相近又漢書西域傳西域三十六國東則接漢扼以玉門陽關考漢時三十六國卽今回部回部東境直安西府敦煌縣亦與漢書三十六國東扼陽關之文昭合至王維詩西出陽關云云送元二使安西作也考唐之安西號安西大都護府初治西州在伊州之西卽今闢展也再徙高昌故地卽今土魯番之交河也三徙龜茲卽今庫車也前後三遷總在哈密之西是安西實在陽關以外而陽關之屬在敦煌縣境尤爲昭晷無疑矣夫古今邊陲故蹟其考信之艱

非貫串諸書卽源流未備然徒眩惑于誌乘家之聚訟膠轕而不能確証之我疆我理如目營手畫者然又何以斥傳僞鑿空之誣而炳焉揭以正鵠哉書此宣付館臣俾綴於編且以示一隅之舉云

白按漢晉諸書陽關在今敦煌縣境而肅州新志謬引烏魯木齊西境之陽巴爾噶遜聞見淆訛末由審定伏讀

御製援據史書印合今古疏通貫串曠若發矇由是陽關之名指歸不惑而玉門關之近在陽關

迤北者亦從此可推。不得以土爾番之玉門口當之。益可見矣。

以上屬敦煌縣。

白龍堆。

白龍堆在敦煌縣西境。玉門關之西。沙形如臥龍。高者二三丈。卑者丈餘。綿延起伏。西盡流沙之地。

漢書地理志。敦煌郡正西關外。有白龍堆沙。西域傳樓蘭最近漢東垂。當白龍堆。乏水草。

魏略西戎傳。從玉門關西出。發都護井。回三隴沙北頭。經居盧倉。從沙西井。轉西北過龍堆。

按白龍堆為流沙之東境。象形以名其沙者也。今自敦煌縣西南境之巴顏布拉克以西。流沙極目。蜿蜒出沒之狀。猶有存者。龍堆之舊。於此可見。至魏略三隴沙。應與今三隴山相近。所云都護井。居盧倉。沙西井者。今雖難以確指。要在敦煌縣西境沙磧中。槩可知也。

流沙。

流沙在白龍堆西。沙多土少。東西數百里。渺無垠。涖。

尚書禹貢導弱水至于三危。餘波入于流沙。

山海經流沙出鐘山西行。又南行至崑崙墟。西南入海。

漢書顏師古注流沙在敦煌西八十里。郭義恭廣志流沙在玉門關外南北二十里。東西數百里。

周書西域傳鄯善西北有流沙數百里。夏日有

熱風為行旅之患。風之欲至。惟老駝知之。即鳴而聚立。埋其口鼻于沙中。人每以為候。即將旣擁鼻口。其風迅駛。斯須過盡。

按禹貢三危山。即今敦煌縣南境之山。迤西為鳴沙山。又西為流沙。所謂餘波入于流沙也。山海經所謂崑崙山。指在青海境內之庫勒坤山而言。庫勒坤。譯言崑崙。在西寧邊外一千四百五十五里。正當敦煌縣西南境也。漢書鄯善國去陽關千六百里。周書鄯善國

卽白龍堆路。流沙在白龍堆西。鄯善在白龍堆南。則流沙宜在鄯善西北矣。

色爾騰海。互見水。

色爾騰海。在安西州西南境外四百里。地有廣澤。在古爲鄯善國地。

漢書西域傳。鄯善國。本名樓蘭。王治杆柅城。去陽關千六百里。西北去都護治所千七百八十五里。西北至車師千八百九十里。武帝通大宛諸國。樓蘭當道苦之。攻劫漢使。王恢等以輕騎

虜樓蘭王。於是列亭障至玉門矣。樓蘭最在漢東垂。爲匈奴反間。數遮殺漢使。元鳳四年。平樂監傅介子刺其王。縣首北闕下。乃更立尉屠耆爲王。更名其國爲鄯善。有伊循城。置都尉伊循官。鄯善當漢道衝。西通且末七百二十里。後漢書西域傳。建武中。小宛精絕。戎廬且末爲鄯善所并。元初六年。行長史索班。與伊吾。於是鄯善王來降。數月。北匈奴攻沒班等。鄯善求救。不許。又自敦煌西出玉門關。涉鄯善。北通伊吾。

千餘里。自鄯善踰葱嶺出西諸國有兩道。

魏書西域傳世祖平涼州。沮渠牧犍弟無諱謀渡流沙。遣弟安周擊鄯善王比龍。連戰不能剋。比龍懼。西奔且末。其世子乃應安周詔散騎常侍成周公萬度歸討之。度歸以輕騎五千渡流沙。至其境。其王真達面縛出降。賦役其人。比之郡縣。

周書異域傳鄯善。古樓蘭也。所治城方一里。地多沙鹵。少水草。比卽白龍堆。西北有流沙數百

里。大統八年。率衆內附。

隋書地理志鄯善郡。大業五年。平吐谷渾置。在鄯善城。卽古樓蘭城也。有蒲昌海。鄯善水。統縣二。顯武。濟遠。**吐谷渾傳**煬帝卽位。鐵勒犯塞。令擊吐谷渾。大敗之。復令觀王雄出澆河許公宇文述出西平以掩之。伏允吐谷渾王名懼。南遁山谷間。其故地皆空。自西平臨羌城以西。且末以東。祁連以南。雪山以北。東西四千里。南北二千里。皆爲隋有。

唐書地理志伊州伊吾郡。納職縣。貞觀四年。以鄯善故城置。開元六年省。十五年復置。自縣西經獨泉。東華。西華。駝泉。渡茨其水。過神泉。三百九十里。有羅護守捉。又西南經達匪草堆。百九十里。至赤亭守捉。與伊西路合。別自羅護守捉西北上乏驢嶺。百二十里。至赤谷。又出谷口。經長泉。龍泉。百八十里。有獨山守捉。又經蒲類。百六十里。至北庭都護府。西域傳故納縛波。古樓蘭也。

按漢書西域傳。既云樓蘭國。最在漢東垂。近漢當白龍堆。又云鄯善國。去陽關一千六百里。夫果有一千六百里之隔。安得為之近接龍堆乎。且車師為今關展。噶斯淖爾。見下處其西南史稱鄯善西北至車師。其國必在車師東南。而居噶斯淖爾之東矣。隋書鄯善郡有蒲昌海者。隋并吐谷渾地。以置郡。臨羌城以西且末以東。皆為隋有。是蒲昌當鄯善之西境。實為且末國地。而鄯善故國。尚居其東。

也。今合羣書所載。証以王延德高昌行紀。歷納職縣。望玉門關甚近之文。則今色爾騰海以東。地接流沙。當屬鄯善。納職之故地。延德由伊州而益都。而納職。則益都當在哈密之南。納職當在沙州之西。故望玉門關甚近也。

噶斯

噶斯。在安西州西境外。色爾騰海西七百里。地有廣澤。名噶斯淖爾。詳見水。見在古當為且末國地。漢書西域傳且末國。王治且末城。西北至都護

治所二千二百五十八里。北接尉犁。南至小宛。可三日行。西通精絕二千里。

後漢書西域傳。光武以天下初定。未遑外事。小宛精絕。戎廬。且末。為鄯善所并。後其國並復立。

魏畧。南道西行。且志國。小宛國。精絕國。樓蘭國。皆并屬鄯善也。按且志國。疑是且末之訛。

魏書西域傳。且末國。都且末城。在鄯善西。後役屬鄯善。西北方流沙數百里。

唐書西域傳。于闐東行。八大流沙。人行無迹。故

往返輒迷聚遺骸以識道無水草多熱風觸人及六畜皆迷仆行四百里至故都羅又六百里至故折摩馱那古且末也

按漢自敦煌郡出玉門關西行爲鄯善又西爲且末色爾騰海爲鄯善境則噶斯淖爾爲且末境矣又漢書且末北接尉犁又云尉犁東南與且末接又云焉耆南百里至尉犁焉耆爲今之哈喇沙爾尉犁當在哈喇沙爾南境噶斯淖爾又在其東南則正所謂尉犁東

南與且末接者也惟今自陽關西至噶斯淖爾僅行一千二百餘里以鄯善去陽關一千六百里西通且末七百里之文証之得二千一百七十里似不相合然漢書旣云樓蘭近白龍堆卽不應有一千六百里之隔且使且末西去陽關二千一百七十里其境當在焉耆尉犁西南又不應云尉犁東南與且末接也今以漢西域形勢考之出陽關西南爲婁羌正西爲鄯善婁羌之西爲且末且末之南

爲小宛。皆在烏壘城偏東南境。故皆西北至都護治所也。且末之西爲精絕。精絕之南爲戎廬。皆北與烏壘城相直。故皆北至都護治所也。精絕之西爲扞彌。扞彌之南爲渠勒。皆在烏壘城偏西南境。故皆東北至都護治所也。漢烏壘城在今天山南路之海都郭勒側。則噶斯淖爾正其東南境。其爲且末之地無疑。又西則爲精絕。當都護治所之正南西與于闐接壤矣。

以上敦煌縣西境外地。

欽定皇輿西域圖志卷之八

欽定皇輿西域圖志卷之九目錄

疆域二 安西北路一

哈密屬

哈密

蘇木哈喇咳

阿斯塔納

托郭棲

拉布楚喀

哈喇都伯

賽巴什達里雅

格子烟墩

星星峽

多都摩垓

德都摩垓

塔勒納沁

半池泉

柳樹泉

博羅圖阿瑞

察罕和羅海

內勒滾

阿薩爾圖

伊里克庫木

察克瑪克塔什

額什墨

鎮西府屬

鎮西府治

宜禾縣治

鏡兒泉

木城

三塘

石人子

奎蘇

松樹塘

沙山子

呼濟爾台

圖古里克

哈喇和屯

庚濟

庫爾墨圖

西里克拜姓

噶順

奇臺縣治

濟爾瑪台

木壘

伊勒巴爾和碩

阿克塔斯

烏蘭烏蘇

格根

吉布庫

鏗格爾

古城

都爾伯勒津

乾溝

蘇博阿拉

阿濟

必濟

華烏里雅蘇台

察罕察奇爾圖

阿拉克椿集

奎屯郭勒圖

蘇魯圖

色爾克

哈布塔克

拜塔克

欽定皇輿西域圖志卷之九

疆域二

安西北路一

哈密屬。東至塔勒納沁。接喀爾喀界。西至哈喇

都伯。通天山南路關展屬界。西南至半池泉。星

星峽。博羅圖阿端。接安西南路安西州界。南至

沙磧北至天山。接鎮西府界。

哈密

哈密。在安西州城西北八百七十里。距京師七

千一百八十里城二。其舊城周四里。東北二門。康熙五十六年建。城東有水西南流。新城雍正五年建。周里許。東西北三門。爲官兵駐防之所。東關干水。西賽巴什湖。夾流十餘里。匯於新城之南。曰南湖。二城皆北倚大山。三面平曠。所居回民。以耕牧射獵爲生。田疇沃衍。園林蕃廡。氣候溫暖。泉甘土肥。山泉競發。巨細不一。伏流或數十里。或百里許出地。引渠溉田。城外東西兩關地當孔道。商民輻輳。號稱殷庶。其地於漢屬

匈奴。號伊吾盧。後漢時始內附爲伊吾。魏入蠕蠕。隋置伊吾郡。旋屬突厥。唐置西伊州。改伊州。五代時號胡盧磧。宋入回鶻。元爲威武王分鎮之所。明設哈密衛。後入土爾番。

本朝康熙三十五年。回酋額貝都勒拉。遣貢駝馬及刀。三十六年。額貝都勒拉。遣子郭帕伯克擒噶勒丹子色布騰巴勒珠爾來獻。其地始內屬。後漢書西域傳。永平十六年。明帝命將帥北征匈奴。取伊吾盧地。遂通西域。章帝二年。匈奴遣

兵守伊吾地。和帝永元元年。大將軍竇憲破匈奴。二年。憲遣副校尉閼槃。掩擊伊吾。破之。安帝元初六年。遣行長史索班將千餘人屯伊吾。以招撫之。於是車師前王及鄯善王來降。自敦煌西出玉門。陽關。涉鄯善。北通伊吾千餘里。伊吾地宜五穀。桑麻。蒲萄。漢常與匈奴爭車師。伊吾以制西域。

魏書高昌傳。太和五年。高昌立馬儒為王。二十一年。表求內徙。高祖納之。遣韓安保赴之。割伊

崇寧

吾五百里。以儒居之。蠕蠕傳。其西則焉耆之地。東則朝鮮之地。北則渡沙漠。南則臨大磧。其常所會庭。則敦煌。張掖之北。小國皆苦其寇抄。羈縻附之。

隋書薛世雄傳。世雄為玉門道行軍大將。與突厥啟民可汗。連兵擊伊吾。師次玉門。啟民可汗不至。世雄孤軍渡磧。伊吾初謂隋軍不能至。皆不設備。及聞世雄兵已渡磧。大懼。請降。世雄遂於漢舊伊吾城東築城。號新伊吾。留銀青光祿

大夫王威以甲卒千餘人戍之而還。西突厥傳
東拒都斤。西越金山。龜茲。鐵勒。伊吾悉附之。

元和志古伊州。貞觀四年內附。於其地置伊州。
州境東西一千一十五里。南北四百九十里。西
南至西州七百三十里。東南取莫賀磧路。至瓜
州九百里。正南微東至沙州七百里。領縣三。伊
吾。納職。柔遠。

唐書地理志伊州。伊吾郡本西伊州。貞觀六年
更名伊吾。貞觀四年置。并置柔遠縣。神功元年

崇寬覆校

省入焉。在大磧外。南去玉門關八百里。

五代史高居誨記沙州西曰仲雲。其牙帳居胡
盧磧云。仲雲者。小月支之遺種也。胡盧磧。漢明
帝時征匈奴。屯田於吾盧。蓋其地也。地無水而
常寒。多雪。每天暖雪消。乃得水。匡鄴等西行入
仲雲界。至大屯城。

宋史高昌傳王延德使高昌。歷伊州。州將陳氏。
其先自唐開元二年。領州凡數十世。唐時詔勅
尚在。次歷益都。次歷納職城。在大患鬼魅磧之

東南望玉門關甚近。

明史哈密傳洪武中太祖定輝和爾舊作畏兀兒今改正

地漸逼哈密昂克特穆爾舊作安克帖木兒今改正遣使朝

貢永樂二年封忠順王四年立哈密衛八年封

托里特穆爾舊作免力帖木兒今改正為忠義王宣德元年

命布達錫里舊作卜答失里今改正嗣忠順王自是二王

並貢其地北衛拉特舊作瓦剌今改正西土爾番舊作吐魯番

番今改正東沙州罕東赤金諸衛衛拉特會額森舊作

也先今改正兵圍哈密取王母北還天順四年王卒

母弩溫答失里主國事七年北酋寄寄肅蘭舊作

亂加思爾今改正破其城王母走苦峪朝廷不能援成

化二年擢巴圖穆爾舊作把塔木兒今改正為右都督攝

國事八年子哈森舊作罕慎今改正嗣職土爾番襲破

其城十年命哈森權主國事築苦峪城移哈密

衛于其地十八年哈森襲破哈密還居故土弘

治元年封忠順王土爾番阿哈麻舊作阿黑麻今改正誘

殺之據其地二年都指揮阿穆呼朗舊作阿木郎今改正

襲破之三年立善巴舊作陝巴今改正為忠順王六年

阿哈麻襲哈密。執善巴擒阿穆呼朗支解之。七年。廷臣請令都督昂克波賴舊作奄克字總理

哈密。且修苦峪城。凡番人散處甘涼者。令悉還其地。後諸番以朝廷閉關絕貢。不得入。咸怨阿

哈麻。乃歸善巴。仍其舊封。自是哈密復安。十八年。封善巴子巴雅濟舊作拜牙為忠順王。正德

八年。叛入土爾番。莽肅爾舊作滿肅遣和卓塔濟丁舊作火者他據哈密。十二年。莽肅爾移居

之。分兵據沙州。入寇。後復入貢。而王迄不還。自

是置哈密不問。後為沙巴達舊作失拜烟子彌

爾瑪哈穆舊作迷兒馬所有。服屬土爾番。猶比

歲一貢。迄隆慶。萬曆間不絕。然非忠順王苗裔

矣。
按徼外山川部落。名號代殊。依類推求。務詳厥始。伏讀

御製哈薩克使臣至令隨圍獵詩跋云。史稱大宛東則扞采于闐。扞采音韻與今之哈密為近。或又以為哈密為古伊吾。引歷代開田屯兵建設州縣為

據然焉知非漢占伊吾之地屯田設戍而扞采乃西遷近于闐而居乎又安知非中國寢微而扞采仍來其故處乎臣等紬繹

聖訓。考証史書。前漢書載陽關西一千六百里至鄯善。又西七百二十里至且末。又西二千里至精絕。又西四百六十里至扞采。又西三百九十里至于闐。是前漢時扞采固在陽關西四千七百里外。其時尙未取伊吾盧地也。惟是伊吾與哈密音不相類。意扞采國人嘗居此

因轉扞采爲哈密。如和闐之爲古于闐理或然也。其扞采國遷徙之蹟。雖不可考。要之哈密爲扞采轉音。則較然不誣。嘗推而論之。漢車師前部高昌壁。今闐展地。在哈密西八百里。後漢書稱伊吾北通車師前部二千二百里。方隅道里似不相合。然考明帝取伊吾盧地。遂通西域于闐諸國。知漢時伊吾東西境甚廣。今自闐展南踰大磧。更南行當玉門。陽關之西。與漢鄯善國地。南北相直。班志謂涉

鄯善北通伊吾。自伊吾北通車師者。其南北亦相直。知當日鄯善北車師南尙屬伊吾西境。隋薛世雄度大磧而築城留戍。其境亦在高昌南也。若魏高祖欲以伊吾五百里地封高昌王。去高昌四百里。迎韓安保而安保不至。還伊吾。所謂五百里伊吾地。在高昌東南四百里外。可知。今自哈密西行。至關展。適在四百里外。而自哈密西南行。至博羅圖阿瑞。敦煌縣交界四百餘里。至星星峽。蘆岡泉與

安西州本境交界五百餘里。應卽當時欲封高昌王地。蓋今哈密。止兼有唐時伊州屬之伊吾。柔遠兩縣地。而所謂納職縣者。應在今安西州西境外地。與漢時伊吾盧故地無涉。蘇木哈喇垓。

蘇木哈喇垓。亦名頭堡。東距哈密城六十里。其東南境村莊凡五。泉二十五處。魏書帝紀。太和十二年。蠕蠕伊吾戍主高羔子。以城內附。

唐書西域傳伊吾城者漢宜禾都尉所治商胡雜居隋末內屬置伊吾郡天下亂復臣突厥貞觀四年城酋來朝頡利滅舉七城降列其地為西伊州

明史哈密傳成化十八年哈密右都督哈森夜襲哈密城破之雅蘭舊作牙蘭今改正遁走乘勢連復八城遂還居故土

按唐書載伊吾七城明史載哈密八城今哈密西境凡五堡得五城其東境亦多回民聚

處七城八城之舊大槩可見至建置之始在漢築有伊吾城魏高羔子以城內附隋薛世雄於漢伊吾城東築城號新伊吾與今新舊諸城方位異同則未宜強附耳

阿斯塔納

阿斯塔納亦名二堡在蘇木哈喇垓西二十里東距哈密城八十里境有村莊凡三泉二十三處

托郭婁

托郭棲亦名三堡。在阿斯塔納西北四十里。東距哈密城一百二十里。境有村莊凡五。泉十三處。最著者白楊溝柳樹泉。二水南流。數里乃合。拉布楚喀。

拉布楚喀。亦名五堡。在托郭棲西南二十里。東距哈密城一百四十里。境有村莊凡十三。泉九處。小河一道。

哈喇都伯

哈喇都伯。亦名四堡。在拉布楚喀西二十里。東

距哈密城一百六十里。境有村莊凡二十三。泉八處。迤北二十里有大泉流水成渠。

賽巴什達里雅。互見水。

賽巴什達里雅。在哈密城東北二十里。地以湖名。其東北境爲牛毛湖。兩湖左右。皆有屯田。屯見

政門。

格子烟墩。

格子烟墩。在哈密城東南二百十五里。自城東南行七十里爲西黃蘆岡。又東行七十五里爲

西長流水。又東南行七十里至此。

按元和志柔遠縣西北至伊州二百四十里。古人計地自某縣至某縣皆據地中以起數。不指邊境而言。則所謂二百四十里者。由柔遠縣城至伊州州城之數也。今格子烟墩北至哈密城二百十五里。以古今丈尺計之。則柔遠故城當在於是。

星星峽 互見山

星星峽。地以峽名。在格子烟墩東南二百八十

里。西北距哈密城四百九十里。自格子烟墩東南行一百五十里為苦水。又東南行八十里為沙泉子。又東南行五十里至此。為哈密東南境。接安西州界。雍正十三年。征準噶爾出師於此。修塗轉餉。有民人楊可祿修路碣記。大即而常北魏蠕蠕傳其常所會庭。則敦煌張掖之北。元和志柔遠縣西北至伊州二百四十里。縣東有柔遠故鎮。因以為名。

楊可祿修路碣記

皇威震疊。底定西會。整厥虎旅。駐於伊州。啟拓疆宇。
騰聲遐陬。輓轡飛挽。駕馬服牛。地靈取順。荒磧
泉流。惟山磊砢。輪蹄是憂。聿來善民。攘剔平修。
王道坦蕩。振古長留。

按北魏蠕蠕邊界。西抵焉耆。南臨大磧。而常
所會庭在敦煌之北。當焉耆大磧東南境。今
自星星峽。半池泉。博羅圖阿滿。迤西北分道
以達於哈密。皆其地也。今之哈密。唐爲伊吾
縣。在伊州郭下。柔遠縣在伊州東南。今自星

星峽至哈密。屬東南境。當在唐柔遠縣地。

多都摩垓。

多都摩垓。在哈密城東二百十里。東西皆有泉。
源出天山北麓。夾流過多都摩垓北。合流百餘
里。瀦爲大澤。

德都摩垓。

德都摩垓。在多都摩垓東北七十里。西南距哈
密城二百八十里。東西皆有泉。卽塔勒納沁河
之北流也。爲哈密東北境。自德都摩垓西北行

一百二十里。至圖古里克。接鎮西府界。又自哈密城北八十里至黑帳房。又北二十里為長山子。又北二十里為南山口。是為哈密北境。接鎮西府松樹塘界。

塔勒納沁

塔勒納沁。在哈密城東北二百二十里。土城一。

有屯田。見屯政門。

半池泉

半池泉。地以泉名。在塔勒納沁東南二百五十

里。自塔勒納沁東南行五十里為沙泉子。又東南五十里為瓊瓊阿卜。又東南一百五十里至此。為哈密東南境。接安西州界。

按自半池泉至塔勒納沁。屬哈密東南境。以元和志柔遠縣西北至伊州二百四十里之文考之。蓋亦柔遠縣地。

柳樹泉

柳樹泉。地以水名。在哈密城南六十里。踰河而至。其東南六十里為哈什泉。又一百三十里為

酤水。又八十里為大泉。一帶山泉饒裕。

博羅圖阿滿。

博羅圖阿滿。在哈密東南四百里。經柳樹泉。哈什泉。酤水。大泉至此。為哈密東南境。接安西州屬敦煌縣北界。

按古伊州所屬伊吾。柔遠二縣。伊吾居柔遠之西。今自安西州北至哈密之道。偏東。屬柔遠縣故地。則自敦煌縣北之青墩峽。出博羅圖阿滿。由柳樹泉至哈密之道。偏西。應屬伊

吾縣故地也。

又按舊一統志載自安西鎮抵哈密分二道。一由安西鎮為東道。一由沙州為西道。後因安西鎮為往來總匯。始專行東道。即今由得勝墩。經格子烟墩至哈密之路。乾隆二十七年。移設安西府於敦煌。專行沙州之西道。三十二年。仍改由東道云。

以上屬哈密。

察罕和羅海

察罕和羅海在哈喇都伯城西七十里。哈密西境外。南臨大磧。

內勒滾。

內勒滾在察罕和羅海西七十里。地多碎石。有水草。南臨大磧。

阿薩爾圖。

阿薩爾圖在內勒滾西六十里。南有澤。名沙拉淖爾。又南臨大磧。

伊里克庫木。

伊里克庫木在阿薩爾圖西六十里。地無水草。南臨大磧。

察克瑪克塔什。

察克瑪克塔什在伊里克庫木西六十里。地無水草。南臨大磧。

額什墨。

額什墨在察克瑪克塔什西五十里。南臨大磧。又西一百五十里至洪。入關展界。自伊里克庫木以西皆沙磧。至此則沙磧之內。微有水草云。

按自察罕和羅海至此。南境皆臨大磧。今考唐書吐蕃傳。吐蕃長鼓右驅。踰高昌。歷車師。鈔常樂。絕莫賀延磧。以臨敦煌。又河源東北。直莫賀延磧尾。殆五百里。磧廣五十里。北自沙州西南入吐谷渾。寢狹。故號磧尾。西域傳。自隋亂。磧路閉。故西域朝貢者皆道高昌。突騎支請開大磧道。以便行人。又宋王延德高昌行紀。歷伊州。次歷益都。次歷納職城。在大患鬼魅磧之東南。無水草。載糧以行。凡三日。

息鬼谷口避風驛。凡八日。至驛田寺。次歷地名寶莊。又歷六鍾。乃至高昌。據此則察罕和羅海至額什墨以南之大磧。當屬唐之莫賀延磧。高昌王突騎支請開。以便行人者。在宋則為大患鬼魅磧也。

以上屬哈密境外地。

鎮西府

庫勒 庫勒 庫勒

屬。

統縣二。宜禾。奇臺。東至圖古

里克。接喀爾喀界。西至乾溝。接迪化州阜康縣界。南至天山。踰山接哈密界。北至哈布塔克。接

天山北路界。

鎮西府治。

鎮西府治在巴爾庫勒東南。距哈密三百三十里。距京師七千五百十里。南界天山。西隱平岡。西北有巴爾庫勒淖爾。周一百二十餘里。緣山北麓。原泉競發。分為三河。匯入大澤。水氣浸潤。庶草繁廡。地宜畜牧。居天山之陰。氣候多寒。本朝康熙五十四年內屬。雍正九年。築巴爾庫勒城。周八里。高二丈。東西南北四門。初以安西同

知駐防其地。乾隆三十八年。置鎮西府。以巴爾

庫勒城為府治。城內有

萬壽宮。

文廟。城隍廟。城西南有龍王廟。城東有城。周六里。為滿洲兵弁駐防之所。亦建

萬壽宮。

關帝廟。城西北三里。別建

關帝廟。廟前有漢敦煌太守裴岑碑。

漢敦煌太守裴岑祠碑文。維漢永和二年八月。

敦煌太守雲中裴岑將郡卒五千人誅呼衍王壽斬馘部眾克敵全師除西域之灰蠲四郡之害邊境乂安振威到此立德祠以表萬世

漢書武帝紀貳師將軍與右賢王戰于天山注云近蒲類國西域傳匈奴東蒲類王茲力支將人眾千七百餘人降都護都護分車師後王之西為烏貪訾離地以居之

按鎮西府於前漢為匈奴東蒲類王茲力支地後漢屬伊吾盧地後魏屬蠕蠕隋屬伊吾

郡後入突厥唐屬伊州伊吾縣明屬衛拉特

舊作瓦刺今改正

此前代沿革大略也至漢時蒲類

部落不一其王名茲力支者為東蒲類國故曰匈奴東蒲類王也其治天山西疏榆谷者在卑陸且彌諸國之西為西蒲類國故西域傳蒲類國治天山西也又據後漢書西域傳蒲類本大國其王得罪單于徙蒲類人六千餘口內之匈奴右部阿惡地右部當居西鄙則其國本在東陲可知惟其得罪單于是以

西降都護。既降之後。居烏貪訾離地。在今關
展西北。未降之前。所謂東蒲類者。當在今關
展之東。應屬今鎮西府境。更以後漢書班超
傳注蒲類海在敦煌北之文証之。又當在敦
煌之北。則今之巴爾庫勒淖爾。即漢蒲類海。
今之鎮西府。即漢東蒲類。茲力支故地也。至
漢永和碑。為後漢明帝之十有二年。史傳不
著其事。疑當時敦煌郡人。為裴岑建祠而立。
後乃改祠為廟耳。

宜禾縣治。

宜禾縣。乾隆三十八年設。與鎮西府同治。東南
至南山口二百五十里。東北至鹽池百六十里。
西至噶順三百四十里。南至大山十里。北至三
塘一百六十里。自縣治東北行五十里。歷五墩
至屯田處。地名朴城子。有四莊。見屯政門。

鏡兒泉

鏡兒泉。在宜禾縣治西北六十里。自縣治西北
行五十里。歷五墩。又十里至其地。自鏡兒泉折

而西南行二十里至三個墩。又西南行繞巴勒庫爾之西五十里為肋巴泉。

木城。

木城在宜禾縣治北九十里。西南境有石城子。自鏡兒泉東北二十里至石城子。又東十里至其地。

三塘。

三塘在木城北七十里。南距宜禾縣治一百六宜十里。自木城東北行二十里至柵門口。踰山五

十里至其地。

石人子

石人子。在宜禾縣治東五十里。自縣治東歷固原堡。大泉。至其地。其西南境有東黑溝。

奎蘇。

奎蘇。在石人子東四十里。西距宜禾縣治九十里。當巴爾庫勒淖爾發源處。左右兩流之間。

松樹塘。

松樹塘。蒙古語名招摩多。在奎蘇東南九十里。

西距宜禾縣治一百六十里。是爲縣東南境。南踰庫舍圖達巴。至南山口。接哈密界。

沙山子。

沙山子在石人子東北八十里。踰巴爾庫勒淖爾三河源至其地。

呼濟爾台。

呼濟爾台在沙山子東二十里。西南距宜禾縣治一百五十里。其東南踰山十里有鹽池。

唐書地理志伊州伊吾縣南二里有鹽池。

元和志陸鹽池在伊州南六十里。周迴十餘里。無魚。水自生如海鹽。月滿則鹽多而甘。月虧則鹽少而苦。

按唐書及元和志俱載鹽池在伊吾縣南。若以宜禾縣東北境之鹽池當之。方位不合。而舍此無所謂鹽池者。疑唐時縣治尙在今鹽池北境。說詳後哈喇和屯條。

圖古里克。

圖古里克在呼濟爾台東一百四十里。西距宜

禾縣治二百九十里。又東南行一百二十里。至多都摩垓。接哈密界。

哈喇和屯。

哈喇和屯在圖古里克北三十里。

按唐伊州伊吾縣故城基址。史無明文。以元和志。新唐書。伊吾縣南有陸鹽池及鹽池海之說推之。是當時縣治在鹽池北也。若以今哈密城鎮西府城當之。則鹽池在城東北。不在城南。而今哈喇和屯。則適居鹽池之北。疑

屬唐時伊吾縣故城也。蓋歷代置立州縣治所。不必一處。疑漢伊吾舊城。隋伊吾新城。皆在今哈密。至唐景龍四年於伊州西北三百里置伊吾軍。乃移建縣治於此。今之哈喇和屯。殆卽其遺址。故南有鹽池。形勢相合耳。

廋濟。

廋濟在宜禾縣治西九十里。北有小山。東曰尖山子。西曰獨山子。又自獨山子西南六十里至車托來達巴。

庫爾墨圖

庫爾墨圖。在度濟西三十里。東距宜禾縣治一百二十里。又西六十里為巴肋泉塘。哈畢爾噶布拉克出其地。

西里克拜姓

西里克拜姓。在庫爾墨圖西北一百十里。東南距宜禾縣治二百三十里。西有烏爾圖水塘。烏爾圖布拉克出其地。

〔元和志〕伊吾軍。在伊州西北三百里。折羅漫山

北甘露川。置刺史為使。景龍四年置。

按庫爾墨圖。西里克拜姓。皆在鎮西府西北境。與元和志載伊吾軍去伊州道里相近。哈畢爾噶布拉克。烏爾圖布拉克。在其左右。或即甘露川之遺跡歟。

噶順

噶順。在西里克拜姓西南一百里。東北距宜禾縣治二百七十里。有泉出山下南流。其北四十里為鄂籠吉。有舊城。噶順西接奇臺縣界。

以上屬宜禾縣。

奇臺縣治。

奇臺縣治。東距府治六百九十里。縣治東至噶順溝三百七十里。接宜禾縣界。西至乾溝一百十里。南至南山。北至葦湖。西域平後。於奇臺設堡。乾隆四十一年改設奇臺縣。城內有文廟。

關帝廟。城西南有奇臺堡二。又南有龍口堡。渠河出南山下。環抱縣治。及諸堡左右。稍東有英格

布拉克。出天山下北流。奇臺堡北有奇臺塘。

濟爾瑪台。

濟爾瑪台。在縣治東九十里。濟爾瑪台布拉克。出天山下北流。東西各建堡。一名西濟爾瑪台

堡。一名東濟爾瑪台堡。有屯田。

見屯門。

木壘。

木壘。在濟爾瑪台東十里。負天山之陰。地廣。饒水草。宜耕牧。東扼巴爾庫勒。西通烏魯木齊。舊為聲援要地。乾隆十九年。大兵進討準噶爾。駐

營於此。有木壘城。東距奇臺縣治百里。城東南別有舊城一。雍正年間築。東北境有木壘堡一。木壘布拉克出南山下北流。過舊城西。又經新城東。環堡左右。其東北境有木壘塘。有屯田。屯見

政門。

按後漢書伊吾五百里。北通車師前部。又五百里。北通後部。金滿城。今哈密為漢伊吾關。展為漢車師前部。則後部金滿城。當在天山北境。唐為金滿州。又為金滿縣。今奇臺縣屬

木壘以西。迄于阜康縣境。特訥格爾以東。正

當關展北境。應皆金滿地也。

詳見後阜康縣濟木薩條。

伊勒巴爾和碩。

伊勒巴爾和碩。在木壘東北四十里。南有泉出

北山麓。有一灣泉塘。

阿克塔斯。

阿克塔斯。在伊勒巴爾和碩東五十里。天山北麓。泉源迭發。凡三道。相距各十餘里。其西南四十里。有地名烏里雅蘇台。

烏蘭烏蘇

烏蘭烏蘇地以水名。在阿克塔斯東南九十里。舊為準噶爾東境。乾隆二十年三月。大兵進討。準噶爾甫入境。有扎哈沁宰桑敦多克及其德木齊巴罕曼濟等來迎。將軍薩拉爾等宣示恩旨。敦多克等咸感動泣下。奏言四十里南有泉。大皇帝均幬並覆。撫育準噶爾部眾。拯諸水火。登乎衽席。再生之德。願無二心。乃率所屬一千五百餘戶內附。此諸部落歸誠之始。烏蘭烏蘇。扎哈

沁游牧東界也。東為庫舍圖。又東六十里為庫克車勒。有泉名諾爾色必特。有色必特塘。又東六十里至噶順溝口。接宜禾縣界。

格根

格根在奇臺縣治西四十里。分中東西三堡。相距各五里。堡各有渠。源出天山下北流。中格根渠釃為三道。夾堡而趨。東西渠俱流經堡之東境。西格根之西。有泉名碧流溝。中格根之北。有地窩鋪塘。

吉布庫

吉布庫在格根西二十里。有吉布庫堡。東西有渠發源天山北麓。北流夾堡之左右。東名永豐溝。西名永泰溝。有屯田。見屯政門。北十里地有獨樹。名一顆樹。有一顆樹泉。

鏗格爾

鏗格爾在吉布庫西二十里。有鏗格爾堡。泉出天山北麓。北流經堡之東。堡西別有泉。土名達巴罕溝。

古城

古城在奇臺縣治西北九十里。由奇臺塘至古城五十里。南北二城。南城中有

萬壽宮

關帝廟。城西有牛圈泉。乾隆四十年。駐防大臣索諾穆策凌於其地得唐時殘碑石二方。有金滿縣令等字。知古城為唐金滿地也。有屯田。見屯政門。唐書地理志北庭都護府。縣四。金滿。輪臺。後庭。西海。又金滿州都督府。永徽五年以處月部落

置為州。龍朔二年為府。

按唐金滿縣。應即漢車師後部金滿城地。漢時由車師前部北通後部金滿城之路。當在今阜康縣東境之濟木薩。詳見後卷。阜康縣東境與奇臺西境接。古城與濟木薩境本相屬。當為唐時金滿縣東境。碑石原建處。不必定在縣城也。據此則今奇臺縣之西境。阜康縣之東境。均當為金滿故地無疑。

都爾伯勒津。

都爾伯勒津。在古城東十里。有舊城。東有舊城屯泉。自都爾伯勒津東北行。經額勒蘇。度濟鄂克沁托賴。庫布。烏爾圖布拉克。三百里至拜塔克。

乾溝。

乾溝。在古城西六十里。西接迪化州屬阜康縣界。

按今鎮西府為唐伊州。沙陀近寇伊州。當伊州北境。宜在今鎮西府北。唐沙陀州。金滿州。

均以處月部置地宜毗接。金滿屬漢車師後部爲今奇臺縣西境阜康縣東境地則沙陀故境。又當在今奇臺阜康兩縣北。金滿州旣南近天山則沙陀州自北連大磧。今自奇臺縣西北境阜康縣東北境之都爾伯勒津。迤北一帶戈壁。東居哈布塔克拜塔克。疑卽沙陀舊壤其方位亦適當伊州之西北。金滿州之正北也。

以上屬奇臺縣。

蘇博阿拉。

蘇博阿拉。在鎮西府奇臺縣西北境。都爾伯勒津東北二十里。又東北行二百餘里至拜塔克。舊爲準噶爾東南界。

阿濟。

阿濟。在鎮西府宜禾縣東北境。哈喇和屯北一百里。西接華烏里雅蘇台。

必濟。

必濟。在鎮西府宜禾縣境外阿濟西。北接華烏

里雅蘇台。

華烏里雅蘇台。

華烏里雅蘇台。在必濟山北。西南北三面環山。東面池泉不一。東至烏里雅蘇台軍營五百餘里。由華烏里雅蘇台北山西北行。岡巒層疊。千有餘里。直至古爾畢達巴。阿勒坦鄂拉。舊為準噶爾東界。

察罕察奇爾圖。

察罕察奇爾圖。在鎮西府宜禾縣木城北一百

八十里。踰北山而至。又西北五十里為夸察奇爾圖。西六十里為哈喇察奇爾圖。

阿拉克椿集。

阿拉克椿集。在鎮西府宜禾縣城東北一百二十里。又西北為察罕椿集。又西北為額林椿集。奎屯郭勒圖。

奎屯郭勒圖。在額林椿集西北五十里。地饒水草。

蘇魯圖。

蘇魯圖。在奎屯郭勒圖西北五十里。又自鎮西府宜禾縣北境之西里克拜牲。北踰哈套鄂拉。北行三十里為烏爾圖。又北二十里為布渾。又北三十里為博羅鄂博。又東北五十里亦至蘇魯圖。

色爾克。

色爾克。在蘇爾圖西北八十里。又西北為昭達木濟呼。又西北至哈布塔克。

哈布塔克。互見山。

哈布塔克。地以山名。在鎮西府西北四百里。北六十里。即在拉千郭勒河南山北之地。饒水草。宜畜牧。踰哈布塔克至青吉勒郭勒。舊為準噶爾東南界。

拜塔克。

拜塔克。地以山名。在哈布塔克西。青吉勒郭勒南岸。由拜塔克西南行三百里至奇臺縣界。

謹按我

朝舊疆。與準噶爾分界處。在阿勒坦鄂拉南古爾

畢達巴。至哈布塔克。拜塔克之間。爰舉必濟以下諸境。當鎮西府北界者。隸諸卷末。以表舊疆之所居云。

以上屬鎮西府北境外地。

欽定皇輿西域圖志卷九

